

四庫全書

史部

欽定四庫全書

幸魯盛典卷十一

衍聖公臣孔毓圻謹

奏爲恭謝

天恩高厚逾涯事臣於本年十一月十八日恭遇

皇上臨幸闕里釋奠

先師臣按史冊及闕里誌自宋真宗臨幸以後曠典

久虛懿軌難再我

皇上升

萬乘之尊而儼然

親臨鉅禮隆儀出於創舉

御繖

御書

賜懸廟庭自古以前尊師重道之君未有如此之顯懿

昭燦者也而臣何幸遇之祀典既竣臣侍

皇上周閱宮牆稽詢舊蹟仰見

天顏嘉悅容

臣

次第奏對撫恤顧復至再至三真如家

人父子之誼即古都俞之朝君恤其臣亦未必

有如此之深至也而

臣

又何以當之荷蒙

聖諭訓誡令

臣

祇承

祖德以克副

聖訓又

寵

臣

以

聖製詩篇

睿藻奎章如日星之昭回雲漢之炳耀臣敢不時刻奉

持如日觀

天顏

聖恩無已頒

賜講義諸書與蟒袍貂裘加

賜臣身及五氏子孫伏念

聖恩隆重優渥臣等生生世世感戴不忘非陳謝之所

可罄也爲此具本恭

謝奉

旨覽卿奏謝知道了該部知道

臣按從來幸宅俱承恩賚或賜酒肉錢帛或畱香爐祭器陪位一見於宋世賦役僅免其子孫未聞優渥并乎數者浩蕩均乎一邑也乃若臨雍典制鈔錠衣冠溥及四氏者始於明之孝宗然綵緞表裏聽自裁造非出上方制度自

世祖章皇帝釋奠太學

賜先

臣

蟒袍貂帽博士族人

賜袍帽白金賚予已踰舊制洎我

皇上臨雍循例有加茲遇

臨幸釋奠祀事告成

大澤攸降

臣

毓圻既受貂裘之

錫有職俱邀蟒服之榮

御筆爰勒貞珉經義復頒祕本朱提白錙徧逮膠庠夏

稅秋糧全邀蠲貸隆施殊賞稠疊溥徧豈特幸

宅之典所莫兼實乃臨雍之恩所鮮邁爲聖人之鄉之民亦相與式歌且舞況爲其後嗣者宜何如感激也哉

上駐蹕兗州府是日申刻於

行宮

御書節並松筠坊額

賜衍聖公孔毓圻祖母陶氏

先是衍聖公孔毓圻

奏爲上籲

聖恩題賜

御書表揚母壽事

臣聞立身始於事親顯親在於揚名

伏念

臣祖母

誥封一品夫人陶氏作配

臣祖克相厥家勤儉溫和潔

蠲蘋藻

國恩優渥延及三世

臣蒙

皇上勅命守祀祖庭年甫成童一事未諳實賴

臣祖母

及臣母

誥封一品夫人呂氏提攜護持以至於今臣祖母年

齊七十恭遇

皇上東巡臨幸臣里臣祖母及臣踴躍歡呼共爲慶幸

豈非千載適逢曠世罕覯臣之微忱欲恭籲

聖恩

欽賜御書題字表揚母壽臣自行建坊以光

皇上孝治錫類之仁以慰臣顯親揚名之至願則臣生

生世世啣感

天恩於無疆矣奉

上旨朕今既來闕里這所奏俱准行該部知道

衍聖公

臣孔毓圻

奏爲恭謝

天恩事

臣

於本年十一月十八日伏蒙

皇上頒賜

御書賜

臣

祖母陶氏節壽坊額節並松筠四大字

臣

謹

祇領於

行宮叩頭謝

恩隨於十二月初一日親捧至

臣第

率族屬人等恭

設香案望

闕叩頭隨捧至

臣

宅內中堂

臣

侍

臣

祖母陶氏

臣

母呂

氏及

臣

妻葉氏恭設香案望

闕叩頭祇受訖

臣

惟立身之義在於顯親揚名然自古

迄今從未有邀天書睿藻以榮其親者恭遇

我

皇上純孝性成錫類廣愛

特俯俞

臣

請立賜

龍章題獎節壽

丹詔擎來焜耀日星之彩

黃封賁處輝煌蓬藿之門

臣

祖母及闔家族屬老幼歡

呼踴躍慶出非常即普天之下見

臣獲受

異數殊恩無不驚羨感激動其忠孝之心

臣

何以仰

答

高厚惟日侍

臣祖母叩祝

皇上萬壽無疆以抒

臣

感慕之誠而已爲此具本恭

謝奉

旨覽卿奏謝知道了該部知道

臣按歷代賢君誼辟推恩臣下多手詔褒美飛

白章草往復報可唐太宗好右軍書御府臨本
輒以賜人宋仁宗以各種御書賜聖廟明宣宗

出御製猗蘭操招隱詩賜廷臣史冊往往傳爲
盛事若夫閨幃之德上徹主知彤管之芳邀榮
宸翰則自古迄今未之前聞我

皇上永言孝思弘於錫類廣敬博愛推於米繁嘉其家
壺之能循法度喻以松筠之晚節貞恒大書坊
額旌厥徽音維

天澤之高深實爲人倫之勸勵矣若乃寸管之中四時
之氣皆備尺幅之上萬有之象胥涵則昔人所

謂乾坤之容日月之光難以繪畫是豈百王所能彷彿亦非觀者所得名言也

衍聖公

臣

孔毓圻謹

奏爲恭進摹石

御書

聖製仰祈

睿鑒事竊

臣

恭遇

皇上臨幸

賜臣

聖製闕里詩一軸

經天緯地之弘文

鳳翥龍騫之鉅筆

臣

榮被畢生光輝蓬室當即恭捧

卷軸安於

臣

第廳事時刻敬奉隨於

臣

第之東

建造

宸翰閣一座已經起工俟工完之日捧安閣上以慶

臣

遭際之

寵榮以永

臣

子孫百世之瞻仰今先購良工鈎勒副本

鐫石豎碑於詩禮堂內以便四方人士之快觀

皇上御筆結撰渾成如天球拱壁斗轉星回豈臨摹所

能彷彿

臣

實滋懼今將鐫就

御書摹搨恭進伏祈

皇上睿覽鑒宥又蒙

賜廟庭榜額萬世師表四大字已經鏤匾懸設大成殿

正中一面仍在勒石尚未竣工俟刻成摹搨另

疏恭進又蒙

賜

臣

祖母陶氏節並松筠坊額安於

臣

內宅堂中

臣

監

家恭奉擬建立石坊於

臣

第之西南在古闕里

坊之北以肅萬禩之觀瞻其林內

皇上駐蹕之所擬建

駐蹕亭一座俱經擇吉起工至廟中蒙

欽畱御繖

臣

謹製繖櫺一座安設殿內每逢丁祭之期

遴員捧張以昭

皇上尊師重道鉅典相應一併

奏明奉

旨該部知道摹摺留覽

康熙二十三年甲子十一月

命以孔尚任孔尚鉉為國子監博士

吏部

題為欽奉

上諭事康熙二十三年十一月十八日奉

上諭舉人孔尚鉉監生孔尚任既經講書應給官職著
交與吏部議奏欽此欽遵查定例內舉人會試三科
不中式情願就教職者以州學正縣教諭用如
五科不中式者揀選以知縣用監生期滿之日
考試以州同州判縣丞等缺挨次錄用等語該
臣等議得恭遇

皇上法駕時巡

躬詣闕里致祭

先師孔子廟大禮告成

命講經義闡揚聖教振起儒宗誠曠古之希逢焉

盛朝之鉅典而舉人孔尚鉉監生孔尚任陳書講說
克副

聖衷應將伊等不拘定例俱從優額外授爲國子監博士查定例內例監未經保舉者不准陞轉正途今監生孔尚任因講繹聖經既不拘定例即從優陞授國子監博士陞轉時應停其保舉照常

陞轉可也奉

旨依議

臣按紀載幸魯錄用孔氏者於後魏文帝太和元年詔拜孔氏四人顏氏二人官是也於宋真宗大中祥符元年錄孔氏近族進士孔渭同三傳出身習進士延佑習學究延渥延魯延齡並同學究出身是也別代幸魯無聞我

皇上特用監生孔尚任舉人孔尚鉉爲國子監博士使

聖裔得備員成均而陞轉復停其保舉以優異之

恩至渥也乙丑禮闈尚任尚鉉俱入外簾辦事時孔氏舉子例迴避不與試以臺臣洪之傑言

詔以後孔氏博士不必開列入簾以便計偕之入試者仰見我

皇上於孔氏人材尤加意焉

康熙二十四年乙丑六月

詔議叙

聖廟陪祀人員以五氏生員孔衍溥等十五人送監
讀書口北道孔興洪以應陞之缺先行陞用候
選廕生孔興滋通判孔興謨等知縣孔興言等
州同孔貞垣等州判孔衍鈺等教諭孔尚銑等
以應選之缺先用舉人孔毓德等以應得知縣
之缺先用貢生顏光岳等監生孔尚琨等以考
職之日先用五經博士孔毓埏等曲阜知縣孔

興認四氏學教授沙潢學錄孔尚侃等各加一級

衍聖公

臣孔毓圻

奏為恭逢

聖駕臨幸典禮重大上籲

特恩以優聖裔以邀

異數事

臣

於本年十一月十八日恭遇

皇上臨幸闕里釋奠

先師隆禮既出非常

殊恩尤為浩蕩

臣

伏按從前臨幸共一十四君未有如

是之顯懿昭燦者我

皇上生知安行接千聖之心傳重道崇儒超百王之懿

軌精微獨契禮數攸崇創制顯庸誠亘古所未

聞奚獨一時之遭際

臣叨沐

寵榮感戴靡涯何敢再有陳請惟是

鑒與親幸千載希邁所以

臣

族望澤彌切

臣

特為籲請

如_臣族及五氏族屬應否容_臣選擇學行兼優者照陪祀例邀

恩准其送監讀書其_臣族見任及世職官員并候補候選未經考職舉貢人員在廟陪祀聽講者其異姓職官監生在廟分獻執事者應否一體邀

恩_臣從

皇上臨幸曠典起見不敢不備陳舊例仰冀

新恩伏乞

皇上睿鑒奉

旨該部議奏

衍聖公

臣孔毓圻

奏前事康熙二十四年三月十六日准到部咨開查

康熙八年

皇上幸學陪祀人員俱有加

恩賜袍帽銀兩現任候補官員監生等曾經議敘陞補

今康熙二十三年

皇上東巡

躬詣闕里釋奠

先師崇儒重道誠曠古之希逢實

盛朝之鉅典應將孔氏族屬及五氏族屬照康熙八

年

臨雍陪祀例請

刺下衍聖公選擇學行兼優生員十五名將姓名開列
到部之日送監讀書其孔氏等族陪祀聽講異

姓分獻執事等官並舉貢監生人員亦應照例
俱准加

恩但未經開列職名難以懸議俟

命下之日行令衍聖公將實在陪祀聽講異姓分獻執
事各職名詳查分晰造冊具

題到日再議可也奉

旨依議欽此欽遵備咨到

臣臣仰惟

皇上臨幸闕里千古罕逢今將臣族及五氏族屬並異

姓在廟陪祀聽講分獻執事人員部議查照康

熙八年

皇上臨雍盛典行

臣

將實在各職名詳查分晰造冊具

題

臣

謹遵將實在陪祀聽講分獻執事各職名核造

清冊進呈

御覽並送吏禮二部外

臣

更有請者

臣

查在廟陪祀執

事

臣

屬現任曲阜縣知縣管勾典籍司樂俱係

七品職銜並四氏學教授學錄等官例由

臣

選

擇賢能咨部

題補之員實非世襲可比現與有司一例考成似宜
同其陞轉歷來原有陞轉之例而銓政未載遂
使任職者由壯至老竭蹶供職而陞轉無階今
遇

皇上臨幸闕里典禮隆重既際

昌期又逢

曠典請

勅下該部將曲阜縣知縣及管勾典籍司樂並四氏學
教授學錄等官既在陪祀執事之列應與陪祀
現任各官一體邀

恩應否准照有司一例陞轉則現在者既蒙不次之格
將來者益勉上進之階再查候選候補官員往
例俱得遇缺先補內有應補知縣呂坊之係久
應頂補之員今復遇

皇恩應否准其遇應陞之缺補用凡此等執事人員皆

臣遴選以供駿奔合無免其保舉與正途一體
陞轉出自

睿裁以光大典奉

旨該部議奏

吏部

題前事查得康熙八年

皇上幸學將聖賢後裔陪祀各官議敘具

題現任候選候補考職等官俱准先用及四氏學學

錄准加一級各在案今亦照康熙八年例將現
任直隸口北道孔興洪遇應陞之缺先行陞用
候選廕生孔興滋知縣孔興言顏光昌通判孔
興謨孔興詢州同孔貞垣孔尚鈺顏紹徽顏文
豹仲應甲仲承烈州判孔衍鈺孔興運仲纘緒
訓導孔貞鑑孔尚琯孔興珩孔興侗孔貞耿孔
衍璽孔尚讓孟弘偉候補教諭孔尚銑等俱應
遇伊等本項應得之缺先用舉人孔興璉孔毓

德孔興瑄孔興祥顏光是顏光敷等亦以伊應
得知縣之缺先用貢生顏光岳孔尚琨孔興濱
孔興謙孔興論孔毓墮孔毓堽孔毓玠孔毓堦
顏懋循孟貞佩等俟考定職銜後亦以伊應選
之缺先用至疏稱在廟陪祀執事臣屬曲阜縣
知縣及管勾司樂典籍并四氏學教授學錄等
官由臣選擇賢能

題授之員實非世職可比既在陪祀之列似宜照現

任有司一例陞轉等語查品級考內衍聖公所屬官員原無陞轉之處應照康熙八年例將在廟陪祀聽講世襲官五經博士孔毓埏顏懋衡曾貞豫孟貞仁仲秉貞學錄孔毓璽孔貞燾執事官曲阜縣知縣孔興認管勾王自莊司樂王國光典籍石琚四氏學教授沙潢學錄孔尚侃等各准其加一級又疏稱異姓執事官內有應補知縣呂坊之係久應頂補之員今復遇加

恩應否准其遇應陞之缺補用至於分獻執事人員皆
臣遴選以供駁奔合無免其保舉與正途一體
陞轉等語查得康熙八年異姓人員並無給賞
議敘之處相應將異姓執事官候選小京職沙
汝洛等照正途一體陞轉加
恩之處均無庸議奉

旨依議

謹錄

世祖章皇帝順治九年

幸學

詔聖賢後裔陪祀生員十五人俱送監讀書仲氏族人
向無陪祀至是一體選入改觀禮刑部員外郎
孔胤樾為禮部員外郎刑部主事孔自洙為兵
部主事從衍聖公孔興燮之請也

皇上康熙八年

幸學

詔陪祀生員孔興詢等十五人俱送監讀書觀禮中書
舍人顏光敏以應陞主事同知缺先用運同孔
貞來縣丞孔尚義遇缺先用監生孔肩璐俟考
定職銜先用

附錄 明世宗幸學詔衍聖公四氏博士陪祀
日選取老成族人五人顏曾孟族人二人至期
陪祀 熹宗時詔以生員孔聞範等三人爲恩
生餘二人照恩貢例送監從禮部侍郎署祭酒

事蔡毅中之請也時行人司行人孔聞諫吏部
進士孔聞詩呈請觀禮聞諫授南禮部主事聞
詩授吏科給事中懷宗幸學以生員孔聞俊
等四人准入監餘三人給冠帶行人司孔聞籍
咨請觀禮授主事十四年再幸學始詔四氏族
人亦得一體送監

臣按從來臨雍釋奠必推恩孔氏備載往牒至
我

朝而加隆矣伏自

皇上臨雍典制尤盛恩監先止及孔氏今則五氏子孫
彬彬十五人皆得鼓篋而入成均矣觀禮先止
及京官今則外吏及監生皆得觀光而邀先用
矣至

幸魯親祀則非常之

恩無微不逮既

特賜孔尚任孔尚鉉為京官而五氏族屬一命而上得

即陞選者二十四人舉貢而下得即授職者二十人而加級者不在焉猗歟盛哉爲聖人之後者其思報稱讀聖人之書者可相勸勉矣

幸魯盛典卷十一

欽定四庫全書

幸魯盛典卷十二

聖駕發曲阜晚

駐蹕於兗州府之西關

諭大學士明珠曰周公古大聖人制禮作樂垂示萬世
今廟在曲阜應行致祭此係重大典禮爾衙門會同
禮部翰林院詳議來奏各該衙門議得道統之傳上
自堯舜逮於周孔我

皇上備堯舜之德明周孔之道

躬祀闕里復

命致祭周公廟庭禮儀隆盛洵為萬世章程應令該衙

門即撰祭文遣官致祭

上曰致祭周公禮宜隆重其遣恭親王長寧及禮部尚書介山偕往以見朕尊崇先聖之意

十九日庚辰

駕至汶上縣

駐蹕李家庄是日

命和碩恭親王長寧禮部尚書介山往曲阜周公廟致

祭

御製祭元聖周公文

大戴第一卷

附錄 孔廟東北三里許有周公廟蓋魯太廟

故基 宋真宗大中祥符二年十月勅中書門

下曰方嶽盛儀克脩於封諡古先茂烈允尚於

追甄周公昔在宗周蔚為上聖營鼎邑之宅王

制建中秘金滕之書忠規蓋世誥東征而法正
輔南面以道尊創禮樂之懿文配日月之久照
姬誦所倚宣尼式瞻煥乎舊章垂之千載今以
詳求古典昭報元休陟降告成撫巡問俗弭節
岱宗之域鳴鑾少皞之墟逖覽遺風緬懷前哲
始公胙土實惟是邦故其嗣君得用王祭而祠
宇未構闕孰甚焉特議褒崇以申旌顯盛德不
泯載欽可久之賢列爵有加爰晉通王之號式

宣殊禮永耀鴻徽可追封為文憲王於曲阜縣
建廟春秋委本縣致祭

臣按周公以元聖成大武之德易象之演上繼
義文官禮之垂範圍萬世治統集三王之盛道
統開尼山之先其廟而祀之宜也唐顯慶以前
與夫子竝祀學宮開元以後別祀配享武王而
追封建廟則自宋之大中祥符始相傳其地即
魯之太廟以地勢度之理或然也歲久傾圯祀

事漸缺裸薦僅屬其雲仍俎豆幾委於草莽歷
有歲年罔或計及

皇上深宮宵旰勵精政治與兼三施四仰思坐待之勤
有默契潛通焉者過少皞之墟攬大庭之庫瞻
言啓宇眷念碩膚

特命親王精意致享

宸章雲爛輝映几筵樂備禮隆度越前軌數千年廢墜
之典一旦得

聖天子修舉之豈非亘古未有之盛事哉

康熙二十四年乙丑二月

命以周公後東野沛然為世襲五經博士

禮部

題為額

恩求錄乞

賜襲封以培聖脈以補缺典事據周公七十三代嫡孫

奉祀生員東野沛然

奏前事奉

旨交與吏部欽此該_臣等議得據周公嫡孫奉祀生員

東野沛然

奏稱切惟堯舜禹湯文武之道傳之周公自周公而傳之孔子至於顏曾孟仲得聖道之傳皆有世襲博士以優其後宋儒程朱有表章聖道之功子孫亦得以博士世其官_臣祖周公以元聖之德制作經緯固與孔子竝列久矣而今祠宇類

壞拜謁寂寥主鬯僅一青衿祭田不及百畝不
惟不能竝尊於孔子而且不得比備於顏曾孟
仲之班倘蒙

垂念周公傳道之功斟酌於顏曾孟仲之間稍加優
隆等語查得會典內開載周公於歷代帝王廟
配享凡係配享前代帝王功臣後裔竝無承襲
博士之例且查東野沛然所

奏東野誌內至東野沛然已經七十三代以上歷代

竝無議有承襲之處相應將東野沛然

奏請照顏子等先賢承襲之處無庸議奉

旨周公承接道統繼往開來功德昭著其子孫應否給
與職銜著九卿詹事科道會同確議具奏

禮部等衙門

題前事臣等議得仰惟

皇上

道兼君師

德隆今古婉唐虞之勲業接周孔之心傳治定功成
禮明樂備創垂無前之盛烈肇舉未有之隆規
周公兼三王而施四事承武烈而顯文謨其後
裔古來雖無給有官職恭遇我

皇上崇文重道之時周公後裔應授官職撥給祀田修
葺廟宇以彰

皇上之殊恩曠典俟

命下之日行文該撫詳查周公嫡派取具各結併東野

氏宗譜送到之日禮部查明將應授之人

題請授為世襲五經博士祀田照顏子祀田例由戶部撥給廟宇交與該撫設法修理可也奉

旨依議

附錄 漢東野環撰東野氏世系曰昔吾先祖

后稷姬姓諱棄始封於邠后稷生不窋失其官
守不窋生鞠陶陶生公劉克脩先業往遷於
豳公劉生慶節慶節生皇僕皇僕生差弗差弗

生毀隄毀隄生公非公非生高圉高圉生亞圉
亞圉生公叔祖類公叔祖類生太王徙都於岐
太王生王季王季生文王作邑於豐文王生周
公受封於魯周公生伯禽襲封至國伯禽生魚
受東野田一成以自養魚生宗世居東野因以
為姓宗傳至質計一十八世矣時當戰國遭楚
滅魯幸而天意不絕惟質得存以免禍自竄東
吳至秦末而還魯於是懼其綿遠失其真傳特

命環考訂譜牒編為世系俾本宗支庶秩然不紊為後世子孫者奚可不知所重耶

臣按東野環所撰東野譜序推本周家始封迄於文武周公世次秩然又誌載祥符間真宗適魯祀孔子以東野氏數世同居詔旌其門閭方是時帝勅中書門下追封周公為文憲王令曲阜建廟祀之仍令有司備儀禮擇日冊命若東野氏得以公裔沾一命備祠官恩至便也而竟

絕不聞豈非前代之缺畧耶我

皇上幸魯親祀

先師而東野以三千年後之餘裔得以邀纂組之榮
循世祿之例

恩出非常典斯鉅矣

康熙二十四年乙丑八月

詔增廣孔林地一十一頃有奇免其稅糧

衍聖公臣孔毓圻

奏為遵

旨奏明增擴林地事

臣

祖賜塋在曲阜縣城北即古魯

城北泗上也子孫例得祔葬林內

臣

查孔林原

額地一十八頃俱係歷朝賜地相沿至今狹隘

殊甚恭遇

皇上鑾輿親臨林內俯軫情形

臣

面奉

恩旨准

賜增擴仰見我

皇上優卹聖林澤及綿遠

臣

闔族人等世世銜感但林

以外除南一面近城無可增廓其東西北三面

為地不等有

臣

祭田在內者亦有

臣

自置之地

現在行糧者亦有民間之地參錯在內者除

臣

地自應併入林內其民間之地恭候

皇上俞旨允行

臣

願自備價值會同地方有司酌照時

價交易置買俟陸續置買之後容

臣

彙齊造冊

及所擴林地一併

奏請

欽賜豁糧可也奉

旨該部議奏

戶部

題前事該

臣

等查得衍聖公孔毓圻疏稱等因前來

查

先師孔林地二十八頃亦為不少但孔毓圻面奉

恩旨准

賜增擴相應行令該撫將孔林之地一面增擴幾大
此增擴內有民地若干之處確議具題到日再
議可也奉

旨依議

戶部

題前事該

臣

等議得該撫張鵬疏稱孔林東西北三

面酌量增擴地一百五十五丈七尺共一十一
頃一十四畝九分零內除孔毓圻自置地一頃

一十畝零不議價外孔氏竝百姓地一十頃四畝零每畝價銀二兩一錢五分共價銀二千一百五十八兩八錢零孔毓圻自照數給價至於應徵銀米每年共該徵銀二十四兩五錢零共該徵米二石五斗零相應聲明聽候部議等因前來查增擴林地一案既經該撫酌量增地一十一頃一十四畝零俱係孔毓圻給價置買無容議每年應徵銀二十四兩零米二石五斗零

相應豁除可也奉

旨依議

附錄 明洪武間衍聖公孔希學增廣林田記

曰曲阜祖林鬱然在魯城龍門北繚以周垣代
禁樵採蓋將二千年於茲矣嗣續繁衍祔葬累
累而東西形勢漸狹方議規斥以廣其地邑人
居大約等聞其有是舉僉言曰凡吾徒日用之
間父父子子夫夫婦婦懼然有恩榮然有文而

能弗畔道者寧可不知其所自耶願以各家世業廣袤若干畝永為來雲甫竈之所核其地五十大畝入林內永樂間孔諤創建林園牆記曰祖林一區周迫居民烟爨千家樵青採綠薪乾槲腐日不絕蹟雖申之以禁戒然難於防虞曲阜世尹孔克中捐貲萬緡傳集耆老乘此農隙創建園牆以孟冬朔旦起工至其日邑之父老各率子弟千餘人悉荷版鍤聖公亦以廟

丁百餘人來會日不彌旬千堵皆興於是檢族屬驗佃力復得堅薪千餘車併工聚力刻日以完崇禎間衍聖公孔胤植重修林垣碑記曰塋自春秋以至於今幾厯三千之歲族屬蕃暢林垣浩大歲月經久不無頽廢思更新之而獨力難肩此任賴諸宗人共襄其事陶瓦甃勤垣墉一時百堵俱興煥然新矣

臣按宋鴻臚卿孔宗翰狀云夫子墳林今一千

六百餘年子孫皆葬其間周圍十餘里可見宋
時規制已大但歷朝增廣與孔氏子孫所自恢
擴者家乘畧而不書以至於今狹隘滋甚自非
我

皇上親幸俯軫情形

特頒渙號而欲武廓往古之封上損

國稅下易民田不亦難乎前代加意林廟輒增置守
戶命有司禁樵牧以時修飭而止若其中廣狹

從未有過而問者

皇上敦崇

先聖而念及其子孫

澤逮於泉壤衍聖公

臣

孔毓圻猶逡巡未敢陳乞而

皇上親發德音准其增擴蠲其常賦所廣地一十一頃
有奇較之於舊又十之六七矣蓋三千年以來
未逢此

曠典七十世以上未沐此

殊恩雖滄溟峻極無以喻其崇深圓象方儀難以形其
高厚者矣

山東巡撫張鵬疏請停止開濬渠河

詔從之

山東巡撫張鵬

題為欽奉

上諭事據布政司呈稱蒙撫院張案驗康熙二十三年

十一月十八日

上親祭

至聖先師孔子行禮畢該衍聖公孔毓圻等奏稱聖廟前有橋池中無水曲阜城外有泉可以開通引入城內廟前池中奉

諭准其開濬入城交與該撫遵行欽此等因到院案行到司蒙此久經檄行曲阜縣欽遵開通去後又蒙撫院案驗康熙二十五年五月初四日准衍聖公咨據曲阜縣世職知縣孔尚愉呈詳前事

詳稱據闔縣紳耆老孔衍靖孔衍標等呈為
開河工大難就民房拆毀宜籌懇申酌奪以重
地方以祈善後事呈稱恭照

聖廟渠河引泉灌注奉有

成命欽遵在案現延堪輿踏勘形勢雖稱風水無礙方
向但按水道由城外文獻泉開濬入城以注廟
河復由廟西出水以匯入沂河開濬數里之遙
城內居民房屋當其衝者勢必拆毀且城當高

阜泉在下窪激使上流大費工力而尤可慮者
一當靈雨連綿山水暴漲之際泉流橫溢入城
勢所必至則目前既有蕩析之苦日後能無泛
濫之虞地勢民居俱有未便伏乞俯順輿情轉
申撫院為民請命則地方有善後之圖而民生
戴安全之德矣據此該曲阜縣世職知縣孔尚
愉看得樞星門內渠河向來乾涸於康熙二十

三年

聖駕臨幸闕里釋奠

先師

駐蹕渠旁衍聖公孔毓圻等擬欲媲美園橋泮水之隆
因有導泉入河之對荷蒙

俞旨允行實為萬世光榮宮牆曠典卑職履任以後疊
奉檄催日在相度形勢酌議興工今據紳衿耆
老等具呈前來職復核水源自城東文獻泉入
城自城入廟河自河又西流以匯於沂開鑿數

里之遙雖據堪輿元氏縣生員平章等謂無礙
方向但民居稠密關廂廬舍當由衝掘者不下
數百餘家一旦盡令折毀老幼失所棲止無地
情實可矜且城在高阜泉在下窪引之上流大
費工力使當靈雨水漲勢必橫溢入城誠為可
慮事關城社民生卑職身任地方之責鑒此輿
情敢不鯁鯁過計隨於本月具詳各憲去後蒙
撫院批據詳有礙民舍仰即就近會商妥確詳

報繳又蒙布政司批仰侯移明衍聖公咨覆到
日轉詳撫院批奪繳各等因批行到職蒙此合
具詳本府裁酌轉咨等情到府據此查得此案
於康熙二十三年十一月內恭遇

聖駕臨幸闕里釋奠

先師

駐蹕渠邊親承

天語垂問渠水因而啓

奏開濬城外大獻泉可以入渠奉

旨准行欽遵在案本府踴躍從事延請堪輿相度形勢

至再至三務求有裨祖廟無害地方庶為不負

聖恩而形家議論不一所以斟酌踏勘多費時日今擬

引城外文獻泉由東而入另鑿水門一座開濬

入城迤西而行引入渠內又自渠內西流出水

以歸注沂河無礙方向業經檄行該縣報明院

司今該縣據閭邑紳衿耆老人等具呈稱目前

有礙民房久後恐慮水患等情本府又延老成
堪輿復勘形勢城內街道窄狹而民居稠密當
水道之衝房屋必須拆毀且開濬水道延袤數
里虧額之地稅無從辦納民間之車轂難以行
走此闔邑人民所以有切膚之籲也至稱當靈
雨連綿之際水勢暴漲惟恐橫溢入城此雖該
縣過慮及此但為地方城社起見自應詳慎本
府既經覆核伏念

聖天子堯舜在上重道與愛民之心時厯

聖念中為臣子者敢不仰體但因有礙地方而請停開

濬本府即有負

聖恩若果毀折民房諸所不便不為酌議萬全又非仰

體

皇上堯舜之心以為心也擬合移咨等因到院案行到

司該本司布政使黃元驥查看得曲阜縣開濬

文獻泉水導之入城引注聖廟池中原係衍聖

公奏准已奉有

俞旨欽遵在案本司日事督催聿觀厥成今蒙院准衍
聖公咨據闔邑紳衿耆老之呈請停開濬既經
衍聖公覆核以

聖天子重道與愛民之心無二今據咨有拆毀民房後
來靈雨水溢不無意外之虞酌議萬全仰體

皇上愛民之心不欲以私廢公斟酌於利害輕重之中
請停前來皆為地方城社永遠所關似應允行

題請以聽部覆遵行者也等因呈詳到臣該臣看得
曲阜縣城外泉水開通入城一案原係衍聖公
孔毓圻奏奉

上諭允行到

臣臣

隨檄布政司遵行去後今據布政使

黃元驥詳稱衍聖公移據濰邑紳衿耆老人等

公呈僉稱若開引文獻泉水由城外入城以注

廟河復由廟西出沂經過城內街道窄狹居民

稠密當水道之衝房屋必須折毀且城外延袤

數里有虧額內民地稅無從辦更慮往來車轂
難以行走且城高泉下大費工力尤慮靈雨水
漲橫溢入城有關城社民生經衍聖公咨臣覆
核仰體

皇上愛民之心不敢以私廢公請停開濬既據布政司
呈詳前來理合具題伏乞

皇上睿鑒

敕部議覆施行奉

旨該部議奏

工部

題前事查該撫既稱闔邑紳衿耆老人等俱稱若開
泉水必致房屋拆毀有虧民地車轂難行衍聖
公孔毓圻亦仰體

皇上愛民之心不欲以私廢公請停開濬等語應如所
題可也奉

旨依議

臣按辟廱泮宮皆取諸水以為名者也圓則為
辟半之為泮以止觀聽者於水南非僅溝而環
之也班固之詩曰乃流辟雍辟雍湯湯聖皇涖
止造舟為梁辟雍得有舟梁蓋非一勺而已金
宣宗於洛立宣尼廟尚書省委襲封衍聖公董
其役未幾告成命導蔡水以圍其廟其取於水
之有源審矣闕里之南溪為魯泮宮故址亦可
舟可梁水落之際未之竭也我

皇上駐蹕橋門從容諮訪有考於古辟泮之制業奉
俞旨許鑿文獻之泉以通廟渠矣迺魯城形勢連岡紆
迴故名曲阜城高泉下難於疏導郭外四山環
匝水潦灌河奔泉引之入城為慮不細所勘開
濬之路應毀居人廬舍不下數十百家

皇上重地方即所以重林廟崇


聖道正所以衛民生

俯察情形即回

成命於茲益見

聖聽之轉圜

睿謨之周至焉



幸魯盛典卷十二

欽定四庫全書

史部

幸魯盛典卷十三

詳校官宗人府府丞_臣賈光鼐

編修_臣程嘉謨覆勘

總校官進士_臣繆琪

校對官助教_臣胡予襄

謄錄舉人_臣李椿

欽定四庫全書

幸魯盛典卷十三

康熙二十四年乙丑二月

詔以

御書萬世師表痛額摹搨頒天下

文廟

康熙二十四年正月左副都御史張可前

題為

聖德遠邁千古

睿謨宜昭億祀請

勅編輯成書以丕示遐邇式訓臣民事竊惟古帝王建

非常之功德者必備非常之法守用以啓迪海

內臣民俾遵循於至善也

臣伏見

皇上盛德巍巍參天兩地事

郊

廟則致敬奉

兩宮則盡孝蠲租省刑之

詔屢下

經筵講學之勤弗輟

神謀獨運

文武遐昭猶復宵衣旰食安不忘危諮諏民隱肅清吏

治

却登封而罔舉

讓尊號以弗居

鳳輦東巡閭闔被德

恩加前代之園陵

澤逮先師之苗裔乃至一動一言無不仰企天心俯協
輿望固已光輝史冊美不勝書然非彙輯成編
頒布海內則率土臣民有身被生成而未能仰
體制作之精意者矣臣謹按明太祖洪武七年
日歷告成承旨詹同侍講學士宋濂請將當日
聖政輯成一書分為四十類名曰寶訓傳示天

下夫明祖以武功開國其所行政事猶且允臣
下之請編為寶訓況我

皇上合創守而同揆裕文武而兼濟超越明祖萬萬哉
今

起居注諸臣雖已詳記

聖績而金匱石室之藏人間無由窺測即近者奉

詔纂修方畧然止載伐叛之武功而未紀歷年之仁德

臣
竊謂宜

勅內閣翰林院諸臣備輯

皇上御極以來

睿謨聖政彙成一書分條編類如宋濂等所集寶訓例
刊布寰宇一以迪四海之臣民一以垂億祀之
法守煌煌乎竝二典三謨而焜燿於覆載間矣
抑臣更有所請者

駕幸闕里

御書萬世師表四字懸額孔廟曠典盛事振古所無竝

請

勅部勒石徧頒各省懸之學宮不獨尊師重道之盛德
昭示士類更見

龍飛鳳翥之寶篆光垂寰區也奉

旨朕御極以來孜孜圖治勤政愛民日理萬幾常懷兢
業雖海宇底定漸致昇平但風俗人心未臻上理這
所請將歷年政事彙集成書是否可行內閣翰林院
會議具奏

內閣等衙門

題前事臣等伏惟

皇上

德隆廣運

化洽時雍言與道俱動與法合自

御極以來敬

天法

祖勤政愛民極

兩宮孝養之隆著

萬幾明作之實

典學是懋以法古聖賢為心

巡省時勤以問民疾苦為事用致百僚慎憲九有承

風三方梗化之臣伏

淵謨而獻馘跨海逋誅之寇服

駿畧而輸誠

道冠百王

功被六合誠宜

俯從所請彙輯歷年政事編纂刊布以慰中外臣民

想望之忱

臣

等伏查明洪武時日厯告成命詞

臣編輯寶訓一書隨命禮部刊刻頒布凡以修明典法垂示子孫意至深遠也我

皇上神功聖烈遠超前代無一念不切於蒼黎無一事不原於墳典

緝熙懋學懿懌鴻猷傳之天下為丕顯之

聖謨垂之萬世即不刊之法鑑允宜特啓纂修之局勒
成

聖代之書昭宣海宇頒示臣民者也一切應行事宜伏
祈

勅下該部詳查典例具覆舉行至於

駕幸闕里

御書萬世師表題額

聖教自此益光儒風於焉丕振

龍章鳳藻光騰泗水之濱

鐵畫銀鈎彩耀尼山之上一時風聲之所樹四海觀
感之所生宜徧揭於黌宮使士子咸知瞻仰相
應亦如所請

勅部勒石頒給直隸各省府州縣儒學懸置扁額可也
奉

旨九卿詹事科道會議具奏

禮部等衙門

題前事臣等伏惟

皇上御極以來

勞心敷治

銳意圖安仰體

上天仁愛之心俯答下民救寧之望孝養

兩宮愛育兆姓此誠治超三代法垂萬年者也邇來遐方

向化薄海來同

問俗觀風

崇師重道中外瞻依臣民踴躍應照內閣等衙門所
議將歷年政事彙輯成書宣布中外并將

御書萬世師表之字勒石頒給直隸各省府州縣儒學
懸置扁額俟

命下之日將纂修開館及應行事宜該部詳查典禮具
奏可也奉

旨依議

禮部

題前事

臣

等議得歷年政事彙輯成書所派監修總

裁副總裁官纂修收掌謄錄官員書辦等役彙

輯事宜及開館之所俱聽內閣翰林院議覆開

館吉期

臣

部由欽天監選擇開館所有監修等

官員相應照監修

聖訓官員筵宴之例

遣內大臣一員主席在

臣

部筵宴一次桌飯銀兩內閣

具

題到部移咨該部照例支給其每月公用錢糧應行
停止所

遣內大臣一員之處應交與領侍衛內大臣彙輯告竣
進呈之日再為刊刻印刷宣布中外其

御書萬世師表之字應

勅下該撫在闕里勒石印刷送至臣部頒發各直省巡
撫轉行各府州縣學宮懸置扁額可也奉

旨依議

衍聖公臣孔毓圻

題為

宸翰同天摹搨恭進仰祈

睿覽事康熙二十三年十一月十八日恭遇

皇上臨幸闕里釋奠

先師

御筆親題萬世師表四字扁額臣謹製扁涓吉躬捧懸

設大成殿正中率領族屬恭設香案望

闕叩頭謝

恩訖一面選工礮石摹搨

臣於恭進摹石

御書

聖製一疏內已經

題明今

臣

旋里親督工人摹刻萬世師表四字告成

謹裝裱卷軸恭進

睿覽

臣

仰瞻

皇上御筆字畫端勁戈法渾成

挫萬象於毫端合位育中和而立極

調元化於行墨觀日星河漢以為大

光彩肆映而莫測其端

結撰天然而莫窺其蹟以頒天下則合臣民嚮往如

親雲日以觀摩以設廟庭當與泰岱

宸章同亘乾坤而永奠

體製卓越大矣至矣此豈臨摹之所能彷彿臣即親

督鐫勒猶恐失真恭進之際實滋惶懼仰祈

皇上鑒宥奉

旨該部知道摹摺留覽

臣按史臣之贊舜曰帝乃誕敷文德其贊禹曰
文命敷於四海聖王致治未有不以文先天下
者也我

皇上典學右文遜志時敏日就月將

聖躬率先寓內共遵文教茲

允廷臣請以

御書萬世師表扁額懸置天下學宮使遐陬僻壤之民
無不曉然於

天子崇師重道如此而仰法我

皇上則古稱先之

聖心以共臻一道同風之雅化洵乎得振興文治之本

焉昔明太祖讀漢書謂侍臣宋濂孔克仁曰漢

治何以不比隆三代孔克仁對曰以其雜霸耳

明太祖曰然高祖創業未遑禮樂孝文時當制

作復三代之舊乃逡巡未遑使漢治終於如是
三代有其時而能為之者也漢文有其時而弗
為者也然明太祖雖為斯言乃洪武之治絜諸
三代以上猶有不醇不備之憾豈若我

皇上緬考百王之迹深明致治之原凡所建立創制無
不損益質文盡美盡善可為萬世法程建

皇極之師表文德之敷文命之被曷以過此臣聞邸抄
讀諸省撫臣建置懸額之疏天下蒸蒸然嚮風

矣

康熙二十五年丙寅正月

上親於西山選

孔子廟碑材特發內帑鳩工採運二月碑成運至通

州水次

命內務府廣儲司員外郎阜保工部都水司員外郎卞

永式運送

御碑於闕里

特賜衍聖公孔毓圻廣儲司庫銀六百五十兩為運碑
旱船之費

上諭阜保曰

聖廟碑事關大典以爾任事謹慎特遣爾去務期敬
慎運至濟寧暫置在彼爾可回都俟冬天地凍再往
以旱船運至曲阜

先是御史任珙

題為闕里既蒙

臨幸萬國咸仰文明特請

御製碑記改正墓號以光典冊以垂不朽事恭惟我

皇上神明天縱文德武功直紹唐虞三代茲當普天率

土文教覃敷之日猶深已治已安一夫未獲之

慮邇者

車駕東巡惟一以洞悉民隱為念因思二帝三王治

民之道至孔子而益彰乃於尼山毓粹之區

特行尊師重道之禮入廟而

躬親九拜儀既備矣當祀而

寵頒御繖禮更渥焉此雖一時異數實係萬世同風蓋

自漢唐以來臨幸闕里之盛未有隆於今日者

也臣考宋真宗祥符元年臨幸闕里具有碑記

垂諸闕里誌書況我

皇上道合勲華心傳洙泗既蒙

御書扁額

賜懸廟庭必賴

宸翰製碑光垂萬代

臣懇

皇上撰立碑記勒之貞珉庶鉅典與日星同耀而

睿藻竝雲漢為昭矣抑

臣

更有請者孔子稱號自唐開

元時追謚為文宣王宋真宗加至聖文宣王元

武宗加大成至聖文宣王推崇不為不隆但文

宣僅一節之謚法而大成亦借樂之偶稱且孔

子以尼山一布衣為萬世帝王師原以德不以

位似非僅爵位所能揚扆也明嘉靖九年釐正

卷三
祀典定為至聖先師孔子誠名正言順萬世不可易之論矣我

國朝定鼎以來自國學及天下郡縣州衛儒學所設孔子牌位皆稱至聖先師孔子亦以斟酌既定可無容損益於其間也乃牌位皆稱至聖先師孔子而孔林墓前所立之石猶稱文宣王墓豈所以安神靈昭畫一乎今

皇上親臨聖林隆禮既出於創舉名號實賴以

欽定_臣請

勅諭將文宣王墓改正為至聖先師孔子墓竝請於
聖製碑記中詳載改正緣由則萬代瞻仰益與天地同
其無疆矣奉

旨該部議奏

禮部

題前事_臣等議臺臣任珣疏內稱

皇上神明天縱文德武功直紹唐虞三代普天率土文

教覃敷邇者

車駕東巡洞悉民隱

特行尊師重道之禮

寵頒御繖自漢唐以來臨幸闕里之盛未有隆於今日者也既蒙

御書扁額

賜懸廟庭必賴

宸翰之碑光垂萬代臣懇

皇上撰立碑記勒之貞珉等語欽惟

皇上

睿藻煥於日星

宸翰燦若雲漢新經

臨幸闕里

恩禮咸隆允宜勒諸貞珉以垂永久俟

命下之日將碑文交與翰林院撰擬碑文撰出之日交

與該撫刊勒建立又疏稱牌位皆稱至聖先師

孔子而孔林墓前所立之碑猶稱文宣王墓

皇上鑾輿親臨聖林隆禮既出於創舉請

勅諭將文宣王墓改為至聖先師孔子墓竝請於

聖製碑記中詳載改正緣由等語查孔林墓前文宣王碑係從來所有且改文宣王為至聖先師以來竝無改立墓碑之處應無容議奉

旨孔子聖集大成道隆德備參兩天地卓冠古今歷代帝王咸所師法朕研精經籍志切欽崇應勒廟碑朕

俱親行撰文書寫以昭景行尊奉至意餘依議

工部會同內務府行聖公

題為請

旨事該臣等會議得先經行聖公臣孔毓圻議此碑以

我力量運送恐有疎虞惟過閘時令地方官同
看協助過去可到濟寧從濟寧運至曲阜恐力
不能運送等語到冬十月內內務府工部差官
支取廣儲司銀兩節省錢糧修造旱船運至曲

阜縣等因議奏奉

旨會同行聖公議奏欽此欽遵伏念

皇上尊崇

先師

御製碑文

親灑宸翰重道右文自古以來未有之盛典也其沿途

運送碑石恐勞民力給發

內帑僱夫運送應於過閘之處行文直隸山東巡撫

行令所屬開口官員同看協助過去其從濟寧
州至曲阜縣百里有餘此運送腳價修造旱船
搭橋修路共銀六百五十兩於廣儲司支取給
發行聖公孔毓圻運去可也康熙二十五年三
月三十日題於四月初四日奉

旨依議著差工部內務府官各一員前往敬慎運送

四月庚午

御碑自通州發遵運河而南直隸巡撫于成龍令所過

之處協助牽挽山東巡撫張鵬令濟寧以北沿
河州縣有司詣河干協運閏四月二十一日乙
巳衍聖公孔毓圻率僚屬迎

御碑於張秋越三日丁未

御碑至於濟寧

欽使員外郎卓保卞永式同衍聖公孔毓圻及濟寧道
董安國兗州知府祖允圖濟寧州州同張仲達
相度置碑之所於濟寧城南五月丙申碑登於

陸構厥護之使人司巡徼焉是月

欽使馳還復

命衍聖公孔毓圻既領

內帑以備冬運乃令輪人度碑制為負重之車四乘
所謂旱船也車既成乃除道成梁方軌廣涂咸
俾如砥十一月

欽使復至衍聖公孔毓圻率纂修官金居敬俞兆曾叢
克敬孫致彌葉湜沙汝洛章緯曹晃博士孔毓

挺等馳迎濟寧州試演車牛覆視道路用戒儲
備無有不供以候起運十二月朔辛亥大雪地
凍始發碑藉茅束絙衍聖公孔毓圻乃偕員外
郎卓保卞永式總督河道靳輔濟寧道董安國
及地方各官親督人役升碑於車碑身長一大
八尺廣六尺五寸厚一尺七寸重七萬觔有奇
聯二乘以載鼎鬲長一大一尺五寸廣於碑三
寸重四萬觔有奇亦載以兩車水盤石二各重

萬觔有奇別載二車碑身凡用牛二百五十頭
鼃鼃半之水盤石又半之辰而駕及午而稅午
而駕及酉而稅一牛一圉五圉一僕建旆於前
執綏於後防閑左右鳴金以節之前驅具脂秣
繕扉屨餼糧共用人六百餘牛五百餘皆傭之
民間而酬其直凡運十有五日二十日庚午
御碑至曲阜行聖公孔毓圻率纂修諸臣及族屬官生
具朝服張樂叩迎於南郊遂導以入安置於廟庭

孔子六十七代孫太子少師襲封衍聖公臣

孔毓圻

奏為恭謝

天恩事伏蒙

皇上頒賜

至聖廟碑石

命內務府員外郎臣卓保工部員外郎臣卞永式賁運

臣遵將

內庫發給銀兩奉

旨內事理先期備造旱船搭橋修路於康熙二十五年十二月初一日自濟寧州起送

欽差與

臣

同隨碑後敬慎督理安車徐行不煩民間一

夫一役於本月二十日抵闕里城南

臣

遂率領

纂修諸臣及闔屬官員紳衿

臣

族人等張樂建

旗郊外跪迎請入

臣祖

聖廟是日也雲開雪霽日暖風和觀者遮道歡聲徹

天無異曩者我

皇上駕幸闕里時此固

欽差調度之宜實皆

皇上尊師重道之誠有以格

天心洽輿情也

臣

敬慎安置穩妥即於詩禮堂前恭設香

案望

闕叩頭謝

恩訖因思

臣

祖廟內帝王碑記歷代不乏要不過近境

開山有司礱石從未有鑿貞珉於

神京發朱提於

內帑而煩皇華命使厯水陸閱寒暑如今日者也而
且碑石之聳萃敦龐甲衆碑以獨尊石理之精
瑩細潤較他石而增美真可竝犧象瑚璉用垂
不朽矣况行將灑

宸翰而煥

天章者乎

臣當此

恩復加恩之代無以答我

聖不自聖之君惟有效

萬壽嵩山之呼祝一統磐石之奠而已為此具本恭謝

奉

旨覽卿奏謝知道了該部知道

臣按由濟寧至曲阜地僅百里而陸運之艱非
三冬嚴凍不能負重以致遠也故舟行則乘水
盛碑由通達濟宜於夏車行則恃冰堅碑由濟

至阜利於冬而以農隙休暇之月庀材斷輪以
待臨事仰見

聖心之律天時襲水土而恤人力即一事也

睿思周至若此碑行順適入廟之日風日晴和霽雲五
色闔邑抃舞四方之人亦有重趼來觀者莫不
懽忻鳧藻稱希覲矣

二十七日丁丑員外郎卓保卞永式回京復

命并呈

聖廟圖請立碑之所

上命廷臣集議立碑於

聖廟大成門左發

內帑銀五百兩建造碑亭仍

命員外郎卓保卞永式監造

廣儲司員外郎卓保轉奏衍聖公孔毓圻奏稱

臣觀

聖祖廟內自古至今碑石雖多從未有壯麗堅緻如

御賜之碑者今蒙

皇上頒下

御筆山東亦無名手堪任摹勒求

皇上御前選擇良工發下鐫刻方稱

皇上非常之

恩典等語奉

旨公言甚是爾與內務府工部會同將鑿碑刻字蓋碑
亭之人帶去之處會議具奏欽此欽遵該內務府工

部會議應將刻字人并鑿碑蓋碑亭各人役令
卓保帶往曲阜可也奉

旨依議

員外郎卓保又奏漢唐以來歷代帝王在

聖廟立碑甚多俱未按朝代次序今

皇上所立之碑應在何處以圖樣進

呈奉

旨立碑事宜重要有關典禮著內閣大學士翰林院掌

院學士禮部工部內務府會議面奏

工部等衙門

題為遵

旨會議事奉

旨立碑事宜重要有關典禮著內閣大學士翰林院掌
院學士禮部工部內務府會議面奏欽此該_臣等會
議得自古帝王褒崇

先聖或車駕臨幸釋奠或儒臣撰文立碑垂之簡編

已不多見我

皇上以勲華之上聖契洙泗之心傳

臨幸講堂瞻謁林廟

禮隆九拜事軼千秋

躬製碑文

親灑宸翰發金礪石

遣官董治此百王希覲之盛事火冊未有之隆規也茲

以立碑處所令臣等酌議謹考前史實錄闕里

志諸書及廟堂圖繪歷代建碑惟擇寬適之地
非有前後次第今相度得大成門外左廂金聲
門之右高明爽塏可以建立碑亭昭垂來許伏候
命下遵行入宮牆者逾生嚴敬陟廟庭者益肅觀瞻請
動

內帑五百兩差內務府廣儲司員外郎阜保工部都
水司員外郎卞永式督修帶刻匠二名石匠四
名給驛前往悉如前議奉

旨依議

衍聖公臣孔毓圻

題為請

旨事

臣

前閱邸抄禮部題覆臺

臣

任玘疏奉

旨孔子聖集大成道隆德備參兩天地卓冠古今歷代
帝王咸所師法朕研精經籍志切欽崇應勒廟碑朕
俱親行撰文書寫以昭景行尊奉至意餘依議欽此
欽遵今碑石運至廟內則夫

頒降

御書

聖製以光寵廟庭者業有成

命無容微

臣

再請矣但

天章宸翰之重必得琢月鏤金之手方能摹勒山左僻

陋實無其人而

臣

又甚見寡聞知識短少敢不

預行

題請至於

御碑建立處必擇和會爽塏之地始足以煥日星而式
觀仰此皆事出特典非微臣所敢擅專謹

題請

旨奉

旨已有旨了該部知道

康熙二十六年丁卯二月十二日庚戌廣儲司
員外郎阜保率匠役至曲阜興工蓋造碑亭五
月初六日癸亥完工阜保回京覆

旨

上以御書

聖廟碑文發出令阜保率刻字人往曲阜勒碑阜保
請賫捧

御書儀注并請碑亭用琉璃瓦皆

命廷臣會議阜保等求列名碑陰

上許之又

命阜保於山東採周公孟子二廟石碑

員外郎阜保以五月十六日啓

奏

上諭曰爾來正好

聖廟碑適書就爾可先帶鐫字人往鐫刻朕於周公
孟子廟亦欲立碑此二廟碑石爾可就近在山東採
取俟採得碑石鑿成之時再來請碑文諭畢

上將書就

孔廟碑文付阜保領出阜保又奏云

臣觀

聖廟中自古帝王多有碑刻然如今日

皇上御製御書之碑乃從來所未有

臣

應作何請去請

定儀注又碑亭蓋完應用琉璃瓦山東竝無燒
造之人一并請

旨奉

旨琉璃瓦著該部即速燒造於回空糧船帶去其作何
請去之處著與內務府禮部工部會同議奏阜保又

奏云

臣

見漢唐以來

聖廟碑刻監造之臣俱得列名碑陰今臣等遭逢

聖世親見曠典真乃人臣罕有之奇遇臣等名字應否

亦附刻碑陰奉

旨爾等名字准刻於碑陰卓保奏曰

皇上御製御書昭垂萬古與天地同久小臣何幸附刻

姓名亦得隨

皇上御筆永遠不朽臣不勝感激謹奏謝

恩奉

旨是

工部等衙門

題為請

旨事本年四月二十二日廣儲司員外郎阜保將

孔子廟碑亭圖樣恭呈

御覽口奏山東地方無燒造琉璃瓦之土亦無會燒之

人奉

旨琉璃瓦料從此帶去之處與工部會議欽此欽遵該

臣等會看

孔廟圖樣歷代建立碑亭俱用綠瓦建造碑文勅令

文臣撰擬今

皇上躬製碑文又

親灑宸翰勒諸貞珉為萬世法寶合用黃瓦以崇

盛典相應照依建造碑亭官員所估數目此處速燒

黃色瓦料交與造碑亭官員可也奉

旨仍用綠琉璃瓦

工部等衙門遵

旨會議得康熙二十六年五月初三日廣儲司員外郎
阜保奏周公孔子孟子廟碑文

皇上御製文章

親灑宸翰關係重大一應頒行

御書儀制禮部應有定例合行請

旨奉

旨工部內務府會同議奏欽此欽遵該臣等議查典禮

頒送

御書應用黃緞

御仗等執事

皇上御製周公孔子孟子碑文賁去應用儀仗照例迎

送奉

旨依議

幸魯盛典卷十三